

Sethole se senyane se sekgubedu



Ka tsatsi le leng, sethole se
senyane se sekgubedu sa
fumana tlhaku ya koro.

"Ke mang ya tla nthusa
ho jala koro ena?" sa
kakatletsa.


"E seng nna," ha arab
letata.

"E seng nna," ha kgona
fariki.



"Jwale ke tla jala ka bonna,"
ha bolela sethole se senyane
se sekgubedu.


Yaba se e jala ka bosona.



Tlhaku ya koro ya hola
ya ba semela se selelele.

"Ke mang ya tla nthusa
ho seha koro ena?" ha
kakatletsa sethole se
senyane se sekgubedu.







"E seng nna," ha
araba letata le lenyane.

"E seng nna," ha
araba tsuonyana.

"E seng nna," ha
araba fariki e nyane.

Yaba se e seha ka bosona.





Ha koro e se e sehuwe,
sethole se senyane se
sekgubedu sa botsa, "Ke
mang ya tla nthusa ho
tlama koro?"




"E seng nna," ha araba
kgomo.

"E seng nna," ha bohola ntja.

"E seng nna," ha ngaotsa la
katse.

Yaba se e tlama ka bosona.





Yaba sethole se
senyane se sekgubedu
se a botsa,
"Ke mang ya tla
nthusa ho sila koro?"





"E seng nna," ha lla namane.

"E seng nna," ha bohola
ntjanyana.

"E seng nna," ha ngaotsa
ledinyane la katse.

Yaba se e sila ka bosona.



Ha koro e se e sitswe
e le folouru, sethole se
senyane se sekgubedu
sa botsa,

"Ke mang ya tla
nthusa ho baka
borotho?"





“E seng nna,” ha araba pere.

“E seng nna,” ha lla nku.

“E seng nna,” ha araba tonki.

Yaba se baka borotho
ka bosona.




bl

Ha borotho bo se bo
bakilwe, sethole se
senyane se sekgubedu sa
botsa, "Ke mang ya tla
nthusa ho ja borotho?"

"Re tla o thusa," ha araba
diphoofolo tsohle.


"Tjhee, le ke ke," ha bolela
sethole se senyane se
sekgubedu. "Ke tla bo ja
kabonna."





Sa bitsa ditsuonyana
tsohle tsa sona, "Tlong le je
borotho bona."

Yaba di ja borotho ho fihlela
di kgora.




O tla ja mofufutso wa
phatla ya hao!

Mosebetsi wa ho bala ka dihlopha



Bolella motswalle wa hao

- Seo o se bonang setshwantshong se seng le se seng.
- Ke setshwantsho sefe se tlang pele, bobedi, boraro le ho qetela?
- Bolella motswalle wa hao pale hape. Etsa bonnate ba hore pale ya hao e na le qalo, bohare le qetelo.



Sebetsa le motswalle. Bala dipotso ebe o a di araba. Titjhere o balla bana dipotso ebe bana ba araba.

- a. Ke eng sehlooho sa pale?
- b. Ke mang sebapadi sa sehlooho paleng?
- c. O ne a batla ho etsa eng?
- d. Ke mang ya mo thusitseng ho e etsa?
- e. Ke mang ya jeleng seo a se entseng?
- f. Re bitsa eng madinyane a, letata, kolobe, kgomo, ntja, katse le sethole.



3

Ngola mantswe a kholomong ya pele bukeng ya hao ya ho ngolla. Jwale ngola mantswe a nang le morethetho o tshwanang le lentswe ka leng.


sethole	thoko	setholo	thoriso	dithole
kolobe	mobe	koloba	benya	kobo
ntja	tseka	ntjamme	ntjantja	tjena
katse	motse	setse	tseba	lwetse



4

Sheba mantswe a mararo kholomong e bohareng. Jwale bolella motswalle wa hao:

- Ke setshwantsho sefe se nyalanang le lentswe ka leng
- Ke polelo efe e nyalanang le lentswe ka leng



katse	"E seng nna," ha kgonakolobe.
sethole	"E seng nna," ha ngaotsakatse.
ntja	"E seng nna," ha lla sethole.
kolobe	"E seng nna," ha bohola ntja.



5

Kopisa polelo e le nngwe paleng o e ngole bukeng ya hao ya ho ngolla.

- Taka setshwantsho sa polelo.
- Ngola sehlooho sa setshwantsho.